



Pou Piblikasyon Imedya: 12/07/2023

GOUVÈNÈ KATHY HOCHUL

GOUVÈNÈ HOCHUL ANONSE LÒT RESOUS ETA A DEPLWAYE POU EDE REZIDAN HUDSON VALLEY YO APRE INONDASYON ISTORIK YO

*Nou ankouraje Nouyòkè yo rele liy dirèk pou Katastwòf Depatman Sèvis Finansye
a nan (800) 339-1759 pou kesyon ki gen rapò ak asirans*

Gouvènè Kathy Hochul te anonse jodi a ke Depatman Sèvis Finansye (Department of Financial Services, DFS) a pral deplwaye pou bay èd asirans pou rezidan inondasyon yo afekte. Akòz gwo domaj ki afekte kay ak pwopriyete yo, pèsonèl DFS yo pral sou plas nan Stony Point jedi 13 jiyè ak nan Highland Falls vandredi 14 jiyè pou reponn nenpòt kesyon ki gen rapò ak asirans epi oryante pwopriyetè kay ak ti biznis sou fason pou fè yon reklamasyon atravè Pwogram Nasyonal Asirans kont Inondasyon yo. Moun yo ka rele liy dirèk pou katastwòf DFS la nan (800) 339-1759 oswa vizite [Sant Resous pou Rekiperasyon apre Katastwòf ak Inondasyon DFS](#) pou jwenn asistans.

"Pandan Nouyòkè yo kontinye refè apre inondasyon devastatè sa yo, n ap voye anplwaye ak resous ki soti nan Depatman Sèvis Finansye a pou ede fanmi ak biznis ki afekte yo navige nan kesyon ki difisil, ki gen rapò ak asirans", **Gouvènè Hochul te deklare.** "Administrasyon mwen an pral kontinye sèvi ak tout zouti ki disponib pou ede ak efò sekou k ap kontinye epi ede rejyon Hudson Valley rekipere apre tanpèt mòtèl sa a".

Sipò sou plas DFS nan Konte Rockland:

- Jedi 13 jiyè soti 12:00 PM - 8:00 PM
- Kote: Rho Building, 5 Clubhouse Lane, Stony Point, New York 10980

Sipò sou plas DFS nan Konte Orange:

- Vandredi 14 jiyè soti 12:00 PM - 8:00 PM
- Kote: Sacred Heart of Jesus Covenant School, 7 Cozzens Avenue, Highland Falls, New York
- Remake: GPS ka mete li kòm Holy Angels of Hudson Valley School

Gouvènè a te deja deplwaye resous pou katastwòf nan zòn ki fekte yo, sa gen ladan anplwaye Depatman Transpò k ap evalye aktivman domaj yo epi y ap travay pou pèmèt wout eta yo ouvri pi vit posib.

Sirentandan Depatman Sèvis Finansye Eta New York Ia, Adrienne A. Harris, te deklare, "DFS disponib sou plas nan Konte Orange ak Rockland ak nan telefòn pou ede pwopriyetè kay ki afekte yo ak biznis yo avèk kesyon ak reklamasyon asirans yo. Nan travay an patenarya ak ajans eta yo ak responsab lokal yo, nou pran angajman pou ede rezidan yo rekipere apre katastwòf sa a".

Senatè Eta a, Pete Harckham, te deklare, "Anplè destrikson nan Hudson Valley apre tanpèt ki sot pase a, ke mwen te temwen dirèkteman, te kite rezidan yo ak pwopriyetè biznis yo ak kesyon ijan sou domaj pwopriyete yo ak mwayen posib pou asistans. Nou trè apresye prezans Depatman Sèvis Finansye a nan Stony Point semèn sa a, sitou ak anpil moun ki bezwen jwenn aksè nan resous ki disponib yo epi etabli yon chemen pou rekiperasyon ak lavi nòmal. Repons rapid Gouvènè Hochul a nan tanpèt paralizan sa se yon bagay admirab—nou tout ap travay di ak efò rekiperasyon yo—epi mwen kontinye rekonesan anvè premye sekouris yo ak responsab minisipal yo pou wòl enpòtan yo nan jesyon ijans yo tou".

Manm Asanble Chris Eachus, te deklare, "Konte Orange ak Rockland te sibi yon nivo domaj inondasyon san parèy nan pwopriyete ak kay yo. Trajedi sa a te kite anpil moun san kouran, san aksè an sekirite a manje, oswa menm san yon kay. Nan yon moman tankou sa a, li enpòtan pou Eta a aji rapidman pou ede rezidan yo rekipere yo. Mwen felisite biwo Gouvènè a pou repons rapid yo nan kriz istorik sa a. Ansanm ak lòt resous Eta a bay, sèvis asirans sa yo pral endispansab pou rezidan Highlands ak Stony Point ki afekte yo".

Egzekitif Konte Rockland Ian, Ed Day, te deklare, "Nou eksprime apresyasyon sensè nou bay Eta New York pou repons imedya ak eksepsyonèl yo pandan peryòd difisil sa a. Efò yo ap pèmèt nou retabli nòmalite nan kominate nou an pi bonè pase sa nou te prevwa".

Chèf Egzekitif Konte Orange Ian, Steve Neuhaus, te deklare, "Evènman meteyowolojik sa a te afekte pwopriyete prive nou yo ak pwopriyetè kay yo epi yo kontinye santi enpak tanpèt la. Mwen te wè domaj la dirèkteman epi mwen te travay ak responsab eta ak lokal yo pou defann enterè rezidan Konte Orange yo. Mwen vle remèsyé Gouvènè Hochul paske li te voye Depatman Sèvis Finansye a nan Highland Falls pou ede rezidan tanpèt la te afekte yo epi paske li travay an kolaborasyon ak Konte a".

###